

修訂日期: 2004/11/14 發行日期: 2006/2/1

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 12, No. 333

原始資料: 蕭鎮國大德提供, 維習安大德提供之高麗藏 CD 經文, 北美某大德提供

No. 333 [Nos. 310(29), 332]

佛說大乘日子王所問經

西天中印度摩伽陀國那爛陀寺三藏傳教大師賜紫沙門臣法天奉 詔譯

如是我聞。一時佛在憍閃彌瞿尸羅林。與大苾芻眾五百人俱。及諸菩薩摩訶薩眾。是時無比摩建儺迦女。而起瞋恚。憎嫉舍摩嚩底妃后。於日子王邊說言。天子知耶。舍摩嚩底妃后等。五百女。共其沙門而行姪慾。我今告言。要天子知實難容恕。是時日子王聞無比摩建儺迦女說已。瞋怒至極意不可忍。擬殺舍摩嚩底夫人。遂以手執弓放箭便射。是時舍摩嚩底夫人入慈心定。王所放箭上虛空中發生火焰。其焰熾盛。其箭却迴。奔日子王前於左邊而住。佛為密護箭不著身。亦無損動。是時日子王心生驚怖。身毛皆豎而便倒地。又復還起。問舍摩嚩底夫人。而說偈言。

汝復為天女	鬼女羅剎女
嚙馱婆女等	我問如是說
汝持云何行	未見未曾聞
亦復不曾知	未曾有女人
器仗不能傷	我有精進力
善學於弓箭	我箭不空發
未曾虛放箭	如我所要射
彌猴及飛禽	人身兼射塚
而未無所中	如我今放箭
却迴面前住	不傷損我身
我今歸命汝	願救我苦惱
審聽誠實言	我欲故殺汝
捨過勿生瞋	汝念為好事
令我離苦惱	永不復如是

爾時舍摩嚩底夫人答日子王。即說偈言。

我非是天女	亦非健闥女
非鬼非羅剎	是舍摩嚩底
我作佛弟子	為彼大慈悲
故我心行善	發心世尊處

俱胝百千劫	觀彼善慈悲
故我行慈行	女色所縛人
見彼如實者	若苗稼成熟
而被雷雹壞	若離女色染
我彼俱愛樂	一切諸世尊
遠離於姪慾	又聞世尊說
佛與菩薩眾	緣覺及聲聞
悉皆離女色	愚者不能知
普被魔羅降	離女色染污
能得身安樂	究竟得解脫
無智諸眾生	愛慾無遠離
作罪業無邊	墮落三惡道
無底慾火坑	猛焰熾不滅
有智樂解脫	不為女色染
見已便纏縛	詐言虛適悅
墜墮於眾生	死入嶮惡道
勿聽女人言	亦不忿怒我
意願生歡喜	發心世尊處
汝欲求見佛	我與大王去
到彼汝諦聽	必說微妙法

爾時日子王告舍摩嚩底夫人。正當是時。汝意速疾詣世尊所。王及臣民侍從圍繞見大牟尼巍巍堂堂如大金山光明焰赫吉祥莊嚴。又見菩薩摩訶薩及諸苾芻苾芻尼塢波斯迦塢波索迦。天龍藥叉健闍婆阿素囉[薛/女]嚕茶緊那囉摩護囉識人非人等圍繞世尊。

爾時大王頭面作禮。而白佛言。世尊。我有未曾有事。先未聞見。今詣佛所。世尊慈悲與我解說。世尊告言。大王汝說未曾有事。王復白言。今日我宮有姪慾因緣。無比摩建爾迦女。生毀謗心。言舍摩嚩底夫人與聲聞沙門而行姪事。我聞此言瞋恨至極。殺舍摩嚩底夫人以箭便射。於其箭上。而出火焰赫奕熾盛。却迴我身左邊而住。亦不傷損我身。舍摩嚩底夫人。禮世尊足說如是言。彼王問我。為復天女龍女健闍婆女比舍際女鬼女羅剎女。汝修持何行而乃如是。而答王言。我是大王夫人。非是天女龍女健闍婆女比舍際女羅剎女。世尊。如來應供正等正覺弟子。心善純淨為如彼天。是時舍摩嚩底夫人。稱讚世尊功德。我佛如來有如是應正等覺。有如是仁慈大悲。具大福慧。成大威德。得大自在。何以故。如來應正等覺為天人師。願鑒斯誠。爾時日子王。對佛及苾芻眾前。懺悔發露。我等由如愚童。如心迷亂。如在黑暗。如無善根

。我念如來聲聞。而生毀謗。善哉世尊。願解疑悔。我等受持。世尊說言。汝發起慈心受持戒行。廣利有情。日子王即從坐起合掌恭敬。佛言大王。汝但安坐。于時日子王頭面作禮却坐一面。日子王白佛言。世尊。我心勇猛。聽女人言造罪業苦。知自命終墮於地獄。善哉世尊。女人之過唯願說之。世尊告言。女人行業有其多種。惑亂有情詐現異相。諂媚虛誑心不真實。顛倒思惟諂曲詐偽。舉動施為強求親近。牽繫有情恒行邪行。汝須省覺。王言世尊。願賜慈悲。願聽所說。如我此後不近女人。亦不由女人而造罪業。既不造罪不墮地獄。世尊如我長夜利益安樂一切眾生。佛言。如是如是。

復次日子王白言。世尊。我於佛邊聞斯慾義。實由女人得其惡報。佛言大王。女色深固。生冤家之父母。生暴惡之父母。若起愛樂墮於地獄。是故女人有如是之過。佛言大王。若較量丈夫淫慾之過。汝後世父母眷屬。亦有其過。日子王白佛言。世尊。善哉善哉。丈夫之過與我解說。云何丈夫之過。父母眷屬亦有其過。佛言大王。諦聽諦聽善思念之。我為汝說。世尊告言。大王。若丈夫之過有其四種。大王問言。四過云何。世尊答言。大王。若丈夫耽著淫慾被淫慾迷醉。由迷醉故。情意顛倒由顛倒故。於其女人深生愛樂。於苾芻眾中有持戒德行沙門婆羅門。不欲見聞。由不欲見聞持戒德行沙門婆羅門故。亦不親近。亦不歸依。亦不供養。於無戒無行沙門婆羅門。亦復遠離。又無信根。不修德行。不行布施。全無智慧。寡聞薄德我慢貢高行鬼神行。又復親近無智貪著惡法。樂著臭穢遠離善友。縱生天上人間。於自身命恒時呵毀。於沙門婆羅門。不作護摩。於佛法僧。而復遠離。於涅槃果德。而所棄背長時憶念。女人倡妓歌舞飲酒談笑。如是纏縛而復命終。墮在眾合黑繩等活號叫大號叫炎熱極炎熱阿鼻地獄。受種種苦。從地獄出生焰魔羅界畜趣中生為師子虎狼諸惡禽獸。乃至[薛/女]路茶身止鐵叉樹。大王。若丈夫如是行愚法行。獲斯惡報。此是丈夫初過。

爾時世尊而說偈言。

淫慾臭穢根不淨	過後常增業苦深
聰慧法師呵欲染	當生父母亦無益
譬如廣大不淨坑	滿盛糞壤多臭穢
亦似塚間膾脹屍	淫慾之人亦如是
復似蠅蟲[口*(一/巾)]瘡腫	驢馬奔眠糞穢中
猪狗食啖臭魚等	耽愛女人亦如是
破壞善名兼德行	恒行毀禁具無慚
不生天道墮阿鼻	是故法師呵愛欲
如人悞飲惡毒藥	迷亂猖狂遍體疼
不覺無常毒所中	耽欲之人亦如是
樂著美味便珍饌	愛聽歌音戀色聲

家事不思多忘失
貪著姪慾常稱讚
晝夜恒行下劣行
讚美姪慾行非行
如履顛巍大嶮崖
既別人世閻浮界
五峯圍繞鐵山間
如風狂亂無知解
如是經生常住此
種種善業亦不生
棄背尊親行五逆
張羅罪網無思慮
父母遠離無返復
放逸耽姪著戲弄
破壞修行疑種種
樂行邪行受極苦
鬪諍欺抄致殺傷
不生天道兼人趣
鐵林青色攢鋒刃
劍樹刀山遍地中
如斯大苦因姪慾
汝向女人生恐怖
人天善道若相應
唯作輪迴集苦因
不了愚迷糞袋身
薄福沈輪於惡趣
多饒瞋恚長愚癡
不覺須臾致失命
死墮無邊業海中
日月燈光全不見
往返縱橫失路岐
一切世間無所重
設有女男無孝敬
和合妻女倍慇懃
墮落貪癡慾樂中
罔思育養報艱辛
互相煩惱倍增多
不逢賢聖作良因
不顧刑罰恥辱侵
隳張財賄離善友
死入阿鼻地獄中
猛焰燄煨烈火城
洋銅熱鐵為漿饌
隱沒菩提智慧根
勿令親近起攀緣
不久菩提自獲得

復次大王。若父母生產兒子。其事甚難世所共知。處胎之時懷擔十月。苦惱疼痛種種多般。起坐艱辛餐飲節度。縱獲生產如宰豬羊。不顧自身唯憂兒子。乳哺養育豈離懷抱。大小便痢須自洗濯。後漸長大而以誠實之言種種誘訓。令彼修學。閻浮提內工巧伎藝。書疏算計。經商買賣種種事業。又復令彼身心安樂。廣與財帛富貴授用。選揀親姻娉聚妻妾。比望孝順父母供敬侍養。而復心意顛狂一向迷亂。深著色慾都不省悟。又於別族姓家。私娶妻妾互相貪愛。於其父母返成不孝。亦不敬重。其父後時耆年老邁。身體羸瘦眼耳聾暗。起坐艱難要人扶持。而却憎惡輕棄嫌厭。種種逼迫趁父出舍。娶其外族妻子於家。聚會種種歡樂。

佛告大王。若是丈夫行此邪行。棄背父母。決定命終入阿鼻地獄。求出無期。為第二過。若善男子。棄背女色心意清潔。供養父母行孝敬行。命終之後不墮惡趣。而生諸天受福快樂。天上福盡下生人間。亦不受貧窮下賤。富貴吉祥。

爾時世尊而說偈言。

離欲行慈孝	命終生天趣
梵王帝釋身	恒受於快樂
供養老父母	後生人世中
入海為商賈	安樂獲珍寶
供養老父母	一切最上德
田種菓成熟	較量福不盡
供養老父母	永不擔重擔
常得驢馬負	刀刃不能害
供養老父母	不度鹹水河
猛火與刀兵	亦復不能近
供養老父母	常得善妻男
穀麥與資財	瑠璃及金寶
供養老父母	常得天宮住
無數歡喜園	四面恒圍繞
供養老父母	常聞佛法音
具相色端嚴	誰人不敬重

復次大王。若彼丈夫行非法業。心不真實恒多邪見。於善不知妄生顛倒。多得愚癡之人常所稱讚。有智慧者恒生忿怒。罪業轉深永失大利。於其佛世永不值遇。我慢貢高貧窮下賤。眾不愛樂。此是丈夫第三過失。

爾時世尊而說偈言。

丈夫行淫慾	顛倒分別我
愚迷罪業深	輪迴墮惡道
遠離佛功德	無智慧揀擇
虛妄求安樂	如河覓盧迦
愚癡愛欲人	諂曲多虛誑
望求非法樂	返成地獄苦
著慾見顛倒	下劣自無知
如夜黑暗中	不分道非道
無慚愧信根	唯耽聲色味
菩薩與聲聞	未曾行供養
設遇正行者	廣演微妙音
輕法而不聽	沈淪於地獄
永不復人身	斷除檀等行

迷沒不修行 菩提最上失

復次大王。若諸男子自為活命及著淫慾癡愚障閉。作諸工巧種種事業。書疏算計讚詠談論。親近王臣行非法行。謫罰有情種種虛誑。廣求財利作諸惡業。又復自為活命故。行不律儀行。貨易牛驢駝馬猪羊鷄犬。乃至呪龍置兔魁膾等事。或復經商。不擇道路遊行嶮惡之道。臭穢之道。賊徒刀劍之道。乃至泛大溟海。寒熱飢渴種種苦惱。而求財利。又於沙門婆羅門。慳貪不肯布施。一向著慾。又被女人降伏驅使。猶如奴僕長時同處。未曾捨離。起坐談話。互相攀顧深生愛著。是故畜養女人。命終之後同入地獄。為第四過。

爾時世尊。而說偈言。

追求著慾人	迷醉何曾樂
下劣妄追尋	云何得安樂
非真丈夫業	自作不知非
無恥若駝驢	不堪極穢惡
斯人少智慧	不悟罪根深
奔競向女人	如狗便糞穢
臭穢不可樂	愚癡所愛重
不知姪慾過	如盲不見色
愚癡著姪慾	如犬奔糞穢
聲香味觸法	貪著亦如是
愚癡著慾人	輪迴於諸趣
如槓繫獼猴	永不出三界
愚迷著慾人	如烏戀臭肉
常被惡魔牽	墮在於惡趣
愚人貪愛味	於美起纏縛
何異廁中蟲	寧知是不淨
智者得解脫	女色不可染
見彼生驚怖	棄捨如壞屍
愚癡懷散亂	著慾而無捨
如熱路艱辛	困渴飲鹹水
如是見飲者	愚癡迷失命
堅牢著慾人	過患亦如是
實為此女人	如身患瘡癩
生蟲自[口*(一/巾)]食	貪姪亦如是
若裝飾女人	如畫甕盛糞

但觀諸外相
又如油洗衣
莊嚴於女人
如衣蓋刀劍
嚴飾於女人
又如劫火起
草木不見生
部多所住處
六欲與初禪
如是耽女色
焚燒於有情
人身速不淨
指爪與髮毛
垢汗大小便
皮肉兼骨髓
脾腎心共肺
生藏對熟藏
又復八萬戶
常住於身中
於身起貪愛
臭氣覺馨香
如是耽慾人
慾火競來燒
愚癡著樂味
亦似底囉聲
又如於猿猴
乃至到無常
如是貪欲人
墜墮惡趣中
愚癡淫慾人
擲在鐵鑊中
浮沈如煮豆
六十四俱胝
一一墮落者

誰知裏不淨
掛搭於身上
染污亦如是
似火覆經灰
違損亦如是
大地皆洞燃
河海乾枯盡
須彌及鐵圍
破壞誰能救
淫火大熾燃
違損不可救
穢惡諸物成
涎唾并結疔
肪膏及腦膜
膿血筋脈連
腸胃膽與肝
赤痰共白痰
微細蟲[口*(一/巾)]食
愚人那知覺
如蠅慕膿血
苦中而為樂
執杖相毆擊
迷醉誰能悟
如狗在空房
究竟成妄想
攀緣常在樹
不離於樹上
追求於色境
不離生死苦
彼處命終後
如是住一劫
其鑊大小量
眾生所依彼
較量不能知

煎煮於鑊中
或二三四劫
皮肉俱爛壞
又隨自業力
擲在炎鐵槽
又被於獄卒
骨髓皆成糝
或以鐵棒打
鐵獸三四五
又復為鐵烏
牙嘴利如劍
若人造罪業
或落刀劍上
若人造罪業
號叫大號叫
若人造罪業
重重入由增
若人造罪業
飢吞熱鐵丸
若人造罪業
眾山一時合
若人造罪業
獲得如是果
此處非安樂
父母與妻兒
下劣姪慾行
受苦不可當
是故下劣人
如擔於糞袋
丈夫為女人
地獄火燃身
剎那智慧生
離一切姪慾

受苦滿百劫
隨彼業輕重
骨現似白螺
手捉尖利鉤
死已而還活
手執鐵杵搗
風吹而却活
劈裂如斧斫
隨後而咬嚙
鐵狗及豺狗
食罪人腦髓
墮落於糞河
一切皆臭穢
墮在極炎熱
黑繩及燒燃
墮在於灰河
痛苦不可忍
死墮地獄中
渴復飲銅汁
墮在鐵山間
拶碎身如粉
恒受於苦惱
無有能救者
先世業所招
何能相救濟
直往於無間
三世佛皆說
與女人同處
愚癡到處行
纏縛如枷鎖
無能得安樂
如是聞佛法
出家得解脫

佛告大王。若丈夫行姪慾行。當墮地獄受斯大苦。是故大王。恒常念佛念法。觀察身心勿令起過。日子王言。如是世尊。於如來處。發深信心。白言世尊。甚為希有。如來應正等覺。善說女人丈夫之過。我當受持。歸佛歸法歸苾芻眾。今後棄捨姪慾刀杖等過。愍念饒益一切眾生。說此語時。會中日子王。及諸苾芻菩薩摩訶薩。天龍藥叉阿素囉孽路茶健闍婆莫呼落迦人非人等。聞佛所說。皆大歡喜。作禮而去。

佛說大乘日子王所問經